



## **GARIS PANDUAN FASA PERALIHAN BAGI MASJID-MASJID, SURAU-SURAU DAN BALAI-BALAI IBADAT SELURUH NEGARA**

Dokumen ini menyediakan Langkah-langkah di mana masjid-masjid, surau-surau dan balai-balai ibadat seluruh negara dibenarkan untuk menjalankan aktiviti semasa fasa peralihan dalam Rangka Kerja Pemulihian COVID-19 Kebangsaan. Pendekatan kami adalah berdasarkan memastikan pematuhan kepada langkah teras yang disenaraikan di bawah langkah-langkah Kawalan COVID-19 dan memperkenalkan sekatan yang berbeza bagi individu sudah divaksinasi dan belum divaksinasi.

### **Fasa Peralihan**

Boleh bermula pada tahap 70% perlindungan vaksinasi.

Kurangkan penyakit serius, kemasukan ke hospital dan kematian yang disebabkan oleh COVID-19.

Langkah-langkah yang boleh dilaksanakan:

- **Vaksinasi:** Meningkatkan perlindungan vaksinasi termasuk dos vaksin penggalak;
- **Pemantauan:** Fokus laporan harian beralih daripada nombor kes harian kepada purata mingguan dan memberi tumpuan kepada penyakit serius dan kematian.
- **De-escalation:** Pembukaan semula tempat kerja, perniagaan dan sekolah secara berperingkat dengan kemungkinan sekatan peringkat rendah yang berterusan, diselaraskan untuk mengurangkan kes yang teruk.
- **Pengesanan:** Langkah pengesanan kenalan (*contact tracing*) dan kuarantine untuk memberi tumpuan kepada pencegahan kluster COVID-19 yang besar.
- **Sekatan Akses:** Sekatan yang berbeza-beza bagi individu sudah divaksinasi dan belum divaksinasi.
- **Senarai Hijau Perjalanan:** Menubuhkan Senarai Hijau Perjalanan dengan mengurangkan sekatan ke atas perjalanan masuk dan keluar untuk individu yang sudah vaksin penuh.



## **Langkah-langkah kawalan COVID-19 pada Fasa Peralihan**

- **Penggunaan aplikasi *BruHealth*:**

- **Mendaftar *BruHealth*:** Semua premis mesti mendaftar untuk mendapatkan kod QR *BruHealth*.
- **Mengimbas Kod *BruHealth*:** Pemilik premis hendaklah memastikan semua individu yang memasuki premis mengimbas aplikasi *BruHealth* mereka sebaik sahaja masuk (termasuk semua pekerja/kakitangan/sukarelawan).
- **Warna Kod *BruHealth*:** Pemilik premis memastikan hanya individu yang mempunyai kod *BruHealth* Hijau dan Kuning dibenarkan masuk. Kad pengenalan hendaklah diperiksa sebagai pengesahan.

- **Memakai sungkup muka:**

- Semua individu yang berumur 2 tahun atau lebih, hendaklah memakai penutup hidung dan mulut anda di tempat awam tertutup, di dalam pengangkutan awam, dalam persekitaran luar yang sesak, dan untuk aktiviti dengan hubungan rapat dengan orang lain yang tidak diberi vaksin sepenuhnya.
- Sungkup Muka boleh ditanggalkan apabila:
  - Di dalam bilik hotel atau penginapan dengan ahli isi rumah.
  - ruang kerja individu tertutup.
  - Semasa aktiviti lasak semasa Sukan dan aktiviti rekreasi.
  - Kenderaan sendiri dan melibatkan ahli isi rumah.
  - Kawasan dan tempat awam dalaman atau luaran tanpa mana-mana individu lain.
  - Apabila makan dan minum di tempat awam tanpa mana-mana individu lain (selain di restoran atau premis makanan).

- **Vaksin lengkap:**

- Pemilik premis hendaklah memastikan semua pekerja/kakitangan/sukarelawan layak diberi vaksin (tiada kontraindikasi perubatan) telah divaksin sepenuhnya.

- **Kebersihan tangan dan etika batuk dan bersin:**

- Jika individu berada di tempat awam, atau selepas menghembus hidung, batuk, atau bersin, mereka dinasihatkan untuk kerap mencuci tangan dengan sabun dan air, tetapi jika tidak tersedia, gunakan pembersih tangan yang mengandungi sekurang-kurangnya 60% alkohol. Tutup semua permukaan tangan anda dan gosokkannya sehingga ia berasa kering.



- **Pengudaraan premis:**
  - Pemilik premis dalaman memastikan premis mempunyai pengudaraan yang mencukupi.
- **Pemantauan kesihatan diri:**
  - Individu dinasihatkan untuk memantau kesihatan setiap hari untuk simptom.

### **Individu yang divaksin sepenuhnya**

Seseorang individu dianggap telah diberi vaksin sepenuhnya jika dia telah menerima rejimen vaksin yang di dalam Senarai Penggunaan Kecemasan WHO (WHO EUL) atau vaksin yang diluluskan BDMCA. Kedudukan vaksinasi dalam aplikasi *BruHealth*, Sijil Vaksinasi Antarabangsa atau Buku Profilaksis (Buku Kuning) individu atau rekod vaksinasi lain yang boleh diterima boleh ditunjukkan kepada pengurusan premis atau pengajur acara sebagai bukti vaksinasi.

### **Langkah-langkah untuk pembukaan masjid**

#### **Sekatan kapasiti:**

- Masjid dibenarkan dibuka setiap hari bagi menunaikan sembahyang fardhu lima waktu dan sembahyang fardhu Jumaat.
- Sebarang aktiviti-aktiviti takmir, pengajian dan kemasyarakatan tidak dibenarkan.
- Kapasiti masjid bagi sembahyang fardhu Jumaat adalah tertakluk kepada keluasan ruang dalam dan luar masjid setelah dilakukan penjarakan sekurangnya ukuran satu saiz tikar sembahyang diantara jemaah (1 meter)

#### **Jemaah masjid:**

- Hanya jemaah yang berumur 18 tahun ke atas dan yang lengkap mendapatkan 2 dos vaksin sahaja dibenarkan untuk menunaikan sembahyang (sembahyang Fardhu Jumaat dan Sembahyang Fardhu lima waktu) di masjid-masjid, surau-surau dan balai-balai ibadat seluruh Negara.



- Jemaah dikehendaki membuat tempahan menggunakan aplikasi 'BruHealth' bagi menunaikan sembahyang Fardhu Jumaat.
- Hanya jemaah lelaki sahaja yang dibenarkan untuk hadir bagi menunaikan sembahyang Fardhu Jumaat. Manakala sembahyang fardhu lima waktu dibenarkan untuk Jemaah lelaki dan perempuan.
- Penggunaan aplikasi *BruHealth* adalah dimestikan.
- Hanya jemaah yang mempunyai kod *BruHealth* warna hijau dan kuning sahaja dibenarkan masuk.
- Individu yang mengalami simptom dan berisiko tinggi tidak dibenarkan hadir ke masjid.
- Memakai sungkup muka (*face mask*) adalah dimestikan.
- Jemaah dikehendaki membawa tikar sembahyang sendiri (berukuran besar).
- Jemaah dikehendaki berwudhu sebelum ke masjid. Kemudahan masjid seperti tandas dan tempat berwudhu adalah digalakkan untuk tidak digunakan kecuali jika perlu.
- Jemaah dikehendaki untuk mengimbas Kod *BruHealth* sebelum memasuki masjid atau kawasan masjid.
- Jemaah hendaklah menunjukkan bukti pengesahan telah mendapat vaksin lengkap.
- Pemeriksaan suhu badan hendaklah dilakukan.
- Jemaah digalakkan menggunakan *hand sanitizer* sebelum memasuki masjid.
- Penjarakan sosial satu meter tetap dilaksanakan.
- Sebarang kontak fizikal tidak dibenarkan termasuk bersalaman.
- Memastikan Garis Panduan Kementerian Kesihatan Brunei Darussalam sentiasa dipatuhi.



### **Bantuan:**

- Memohon bantuan pasukan beruniform/ ahli jawatankuasa takmir masjid/ pasukan sukarelawan dan belia masjid untuk mengawal di pintu-pintu masuk (bagi Sembahyang Fardhu Lima Waktu dan Sembahyang Fardhu Jumaat)

### **Protokol pengurusan sanitasi dan pembersihan nyah kuman:**

- Masjid-masjid, surau-surau dan balai-balai ibadat mesti melantik kakitangan untuk melaksanakan pembersihan dan pengemasan yang lebih kerap setiap hari. Gunakan cecair disinfeksi secara kerap kepada kawasan yang kerap disentuh seperti pegangan tangan, permukaan lif dan butang, tombol/pemegang pintu, kotak surat, papan kenyataan, paparan digital, panel skrin sentuh serta meja dan kerusi di kawasan umum.
- Sediakan cecair disinfeksi tangan di tempat orang kerap berlalu lintas.
- Pastikan tong sampah ditutup pada setiap masa dan dibersihkan setiap hari. Ikat sampah yang terkandung dalam beg plastik dengan betul sebelum dibuang di pusat tong.
- Bersihkan segera sebarang tumpahan sampah.
- Basuh dan nyah kuman semua tong sampah, ruang tong dan pusat tong sampah jika perlu.
- Libatkan kontraktor pembuangan sampah berlesen untuk pembuangan sampah setiap hari.
- Untuk mendisinfeksi kawasan, kakitangan pembersihan boleh:
  - Rendam kain pembersih dalam peluntur isi rumah pada kepekatan yang betul mengikut arahan pembekal dan basuh kain selepas digunakan atau sebelum digunakan semula.
  - Bersihkan dan mendisinfek semua peralatan pembersihan serta-merta selepas digunakan.
- Pembersihan mendalam akan dilakukan seminggu sekali.